

◎歷朝憲章類誌卷之二十一

潘輝注著

△禮儀誌

爲國之道莫大於禮。禮也者所以別嫌明微。辦尊卑而章品物也。禮儀三百。威儀三千。莫非精神心術之所寓。古典淵微。蓋難得而殫述矣。我越文明。肇國涵浸華風。一代之興。各有一代之禮。質文損益。先後相參。其間度數之或殊。儀章之互異。悠悠千載。記籍闕如。是豈不當詳稽而考訂歟。姑以其大者言之。如冠服與衛之章。所以別上下。郊祀宗廟之禮。所以仁鬼神。施諸吉事。則有朝廷慶賀之儀。見之凶哀。則有國恤喪事之禮。與夫進尊冊封之禮。則施之宮府。祭告祈禳之禮。則接於百靈。是皆天叙物則之所關。國典朝班之攸係。歷代沿革。略詳不同。要當縷析條分。而不可以或闕也。丁李以前。儀章尙簡。陳黎而後。禮制漸繁。或昔略而今詳。或前無而後有。莫非禮緣義起。文以時殊。制作之儀。畢當記載。爰卽稽諸史籍。訂以門條。因革則歷述古今。得失則詳加議論。庶幾覽者易以折衷。因總名曰禮儀誌。其條目次第。因具列于左云。

●官家冠服之制

黎大行登極。服龍袞。其後衣服多用紅纈。帽用珍珠爲飾。

李太宗始制金八角道遙。註。冠名。其制今不可考。

按李陳以前。天子冕服。不可復考。見於史者。惟此二條。姑錄之。以存梗概。又如衣服之色。初若本無定制。黎皇既用紅纈。至李高宗八年。始禁天下不得著黃色服。則黃袍之服。從前又未必專爲天子用也。

黎太宗紹平四年。從梁登奏議。郊天告廟。聖節正旦。御服袞冕。升寶廟。朔望常朝。御黃袍。衝天冠。升金座。衝天即幘頭也。惟兩翅向上。謂之衝天。

按周禮司服王之吉服。祀昊天上帝。則服大裘而冕。祀五帝亦如之。享先王。則袞冕。享先公饗射。則鷩冕。祀四望山川。則毳冕。祭社稷五祀。則絺冕。祭羣小。則玄冕。六服同冕者。首飾尊也。冕之制。其上有覆。前圓後方。前俯後仰。長尺六寸。廣八寸。前垂四寸。後垂三寸。袞冕前後各十二旒。鷩冕九旒。毳冕七旒。絺冕五旒。玄冕三旒。旒各十二玉。以藻。雜絲。細也。穿玉。以玉飭藻。故記曰玉藻。深邃尊嚴。誠不易之定制也。國

家歷代。冕服無徵。至黎太宗始制冕。其後竟不復行。中興以來。皇上御大禮。惟服衝天冠。竊以為幘頭帽制。始於宇文。而衝天冠之樣。與幘頭無甚相別。文飭莫備。體格不尊。王者講定禮儀。正當首服冕制。子曰。服周之冕。真萬古之法式也。

中興以後。皇上即位。進尊頒詔。諸大禮。並御衝天冠。黃袍玉帶。郊天禮。御玄色冠袍。至更服大次。御衝天冠。黃袍玉帶如儀。常朝服三山帽。青玄各色服。太廟忌辰。御平頂帽。青吉衣。

皇上謁郊進尊。諸大禮。服紫袍。衝天冠。玉帶。視政。朝會燕見。並用三山帽。紫色服。謁敬天樓。與太廟生時。用平頂帽。青玄衣。火明色。太廟忌時。用青吉衣。葵色。近位忌時。用平頂帽。緇布衣。

裕宗保泰二年。宰臣阮公沆等。請安王臨見羣臣。用黃色服。王諭之曰。我嗣守丕基。翊扶帝室。每以尊敬為心。黃色乃天子之服。推尊我皇上。以協禮意。自今視朝會及常時燕見。只用紫色服。庶與公等別耳。事遂止。

顯宗景興三十八年。廷臣啓靖王云。奉按周禮祀昊天。服袞冕。漢唐宋明清。有事郊廟。並用袞冕。惟忌時在禮。是日變服。以伸孝慕。茲奉參酌。做遞年除夕御謁敬天殿。及常時敬告禮。用北紗緞。天青色。羣手龍雲大會。奉太廟列先王生時禮。用北紗緞。天青色。金線。忌時禮。用北紗緞。天青色。金線。惟奉禧祖忌時禮。用青色布。葵色。奉先聖王啓祖生時禮。用青吉布。稍明色。忌禮仍用緇布。以合事宜。

按黎自中興以後。鄭王擅國。政柄事權。畢歸王府。天子徒寄空名於其上。所謂分位之存者。特以服色儀章之尙別焉耳。而歷世文臣。趨附王家。每爲之文飭逢迎。不復知有帝室名義之正。如黃服之勸首出宰輔。雖安王見却。未敢遽行。而其眩名分。成凌僭。時臣固已不能無罪者。逮至景興晚年。靖王凌逼比前尤甚。一時首揆席者。又爲之趨和意旨。而章服儀數之間。遂若真以天子奉之矣。嗚呼。二百年間。帝王並稱。末流之弊。冠履幾至易位。推原其故。豈非縉紳之咎哉。

皇太子服青衣。楊棠冠。

即幘頭冠。後頗高也。

不預朝班。王世子預班首。冠用楊棠冠。後有兩翅。緇金。朝服用紫色。

補子用麒麟織金。帶用奇石繞金。其奉侍府堂用烏紗帽。有突縫黑線。青吉衣。有覆後。夾條有穿玉金銀。

●百官章服之制

丁先皇太平六年。定文武冠服。其制不可考。

黎臥朝應天十三年。改文武官服。一遵於宋。

按宋誌。朝服之冠有三。一曰遠賢冠。二曰貂蟬冠。三曰獬豸冠。

曾遠賢冠也。加以貂蟬獬豸角。因異其名耳。其制始於漢。即古緇布冠也。前高七寸。後高三寸。

長八尺。

進賢五梁冠。一品二品侍祠朝會則服之。獬豸兩梁冠。諸司三品。御史臺三品。兩省五品。侍祠朝會則服之。獬豸兩梁冠。四品五品六品以下侍祠朝會則服之。其公卿三品以上服紫。五品以上服朱。七品以上服綠。九品以上服青。其制曲領大袖。下施橫欄。束以革帶。烏皮鞞。又有魚袋。佩其制以金銀。飾為魚形。服紫者飾以金。服朱以下飾以銀。公服則繫於帶。而垂於後。以明貴賤。此宋國初之制也。前黎應天。當宋真宗景德間。所謂一遵於宋。意者即此制歟。姑錄之以備參考。

李太宗天成二年。定公侯文武冠服。聖宗彰聖元年。帝御水晶殿。朝百官。令帶帽頭著鞞。方許入朝。朝儀具冠履始此。

按李初冠服不可考。大略因用黎制。而史至聖宗記云。朝儀具冠服始此。則從前朝會之間。不知用何章服。此可見其闕略而無徵也。又按諸金石遺文。李朝官多有賜緋魚袋。金魚袋。則知當時服章遵用於宋。而魚袋之制。又不知竟自何時不用也。

陳英宗興隆八年冬。定文武冠服之制。武官戴巾衣新樣。文官戴皂丁字巾。從官戴青攢花巾。如舊制。文武官衣襜。以一尺為準。文武官不得著袖。從官不得著裳。

九年。詔文武全戴丁字巾。俗云。明帽加紫。謂間碧髮根。而垂其餘於後。

午峯吳氏曰。陳時巾制多不可考。惟丁字巾樣。至今猶存。制甚卑賤。胥吏軍民同頂。是時通用為文武巾。非所以肅觀瞻而辨纓結也。本朝保泰間。始制武官頂單紫巾。文官頂重紫巾。秋冬用緞。春夏用紗。其下照品級。有全用南紗者。有用青吉布者。宰臣阮公沆。折文武字樣。為此巾制。雖不師古。亦有取象。要之幘頭結髮。始於宇文高祖。真不可易之定制也。

十一年。冬十月。制王侯巾。長髮戴朝天巾。短髮戴包巾。

順宗八年六月。定文武冠服。一品紫色。二品大紅。三品桃紅。四品綠。五六七品碧。八九品青。惟內侍開裙皆不用裳。無品及宏奴白色。又從官職爵。六品以上用高山巾。正皂色。從青色。宗室皂方勝武爵。六品用折衝巾。從爵高無職得束帶。戴角頂巾。七品以下。服太古巾。從七品攢花巾。王侯帶遠遊巾。御史臺却非巾。

按文獻通考。用紫朱綠為命服。昉於隋煬帝。而其制遂定於唐。至宋復因用之。我越李陳品服。大概多遵宋制。而黎朝又因用之。以紫色為貴。紅朱綠次之。而青色反居其後。竊以為紫紅碧綠皆為間色不正。近於婦女之飾。夫子不以紅紫為褻服。况可施於朝會祭祀之間耶。夫服色之尚。要當遵正。如欲復古者。做宜去諸間色。而只用赤青二者。庶可以大居正而祛陋習也。又按陳朝章服。無魚袋而有笏。英宗以陳時見為行遣。嘗賜之笏銘。其銘云。泰山貞高。象笏貞。聖躬進角。為笏難折。蓋亦遵用唐宋之制。至黎則不復用。考之禮云。大夫將適公所。史進笏書思對命。蓋所以備忘忽致敬謹。乃古人之深意。不可以為無用而廢之也。

黎太祖順天二年。旨揮係文武職官。武自上將爵智字著服。侯以上。並聽服緋。文自入內大行遣冠服。侯以上。並聽服緋。

太宗紹平元年。八月。賜國子監生。及路縣生徒。著冠服。并與國子監教授。及路縣教職。著高山巾。初

卷二十 禮儀誌

百官章服之制。

教授書庫。皆太古巾。至是令戴之。四年令武官戴高山巾。初武官戴折衝巾。至是許戴高山巾與文官同。高山太古折衝皆陳時巾名。梁初因之。其制不可復考。

聖宗光順七年。定文武服色。自一品至三品。著紅衣。四五品。著綠衣。餘著青衣。

洪德元年冬。頒花樣補子畫圖。凡禽獸色物。公侯伯駙馬並畫一。文武正品畫二。風憲堂上官畫一分。司畫二。雲河山水花木等件。繁殺多少。隨意制作。不拘泥。青黃赤白金碧綠等彩色。官議從宜。繡造。不必一概金錦。如雲河。如山水禽獸。用金線。亦許。

按是年定衣服補子制度。上諭云。朝廷乃禮樂之地。衣服為彰彩之文。名分截然。詎宜爽越。故舜觀古人以章施其五彩。禹惡衣服而致美乎黻冕。舜禹聖人。不以衣服為末節。必於此乎存心。後世為人君為人臣者。可不於此致謹乎。我國家撫安區夏。稽古禮文。上下章服。文禽武獸。古有制矣。貴賤等儀。不可逾僭。舊有禁矣。夫何有僚莫辨。視國家制度為虛文。庶民犯法。以紵絲織金為常服。爾官員百姓等。其聽朕言。文武職官。章服胸背。一循定制。百日之內。不依制者。降級治罪。十七年。定朝冠。繼今文武百官進朝。戴烏紗帽兩翅。宜一體稍側向前。不得任意平仄。十九年。定朝儀新樣衣服。其制衣長去地二寸。袖寬一尺三寸。

憲宗景統二年。十二月。申定常朝衣服。十月以後著紵絲羅衣。二月以後方著紗衣。

神宗慶德五年。六月。定天下衣服。長濶有差。許文官自科道。武官自郡公。青吉衣並用覆後。其餘不得妄僭。

玄宗景治二年。秋七月。申衣服過制令。百官服袖中九寸五分。袖腋八寸五分。民服袖中九寸。腋七寸八分。其卑小者聽減。其朝服不在此制。

裕宗永盛十年。定青吉衣帽限制。國俗舊以布衣染藍靛。次染禹餘糧。少加膠折杵搗晒乾。謂之青吉衣。無問官民貴賤。皆通服。惟以長短爲制。其後多踰制。至是始有定限。爲尺寸長短濶狹之制。以別等差。十六年。定文武品服。初定巾衣帽樣。舊制文武大小胥吏軍色。通服青吉衣。戴丁字巾。無貴賤尊卑之別。至是鄭王與參從阮公沆議行改定。以昭品服。皇親王親衣服。春夏用北紗。秋冬用北緞。用沉香色巾。春夏用馬尾。秋冬用玄緞。文武自一品至三品衣服。春夏用北紗。秋冬用北緞。並玄色巾。文用重葉。武用單葉。四品衣服。惟紗緞用南。侍內監中用平頂。爲六棱。文武內監執事行禮及視事。並用青吉衣。烏紗帽。文武奉侍內閣如之。

保泰二年。申定品服制。

武班。皇子王子。三太三少等職。郡公爵。奉侍朝儀。用幪頭冠。服紫色。補子。三太用麒麟。三少用白澤。織金帶。用奇石繞金。并鞋鞵。其侍奉府堂。烏紗帽。用突縫。有黑線。青吉衣。有覆後。夾條。有穿玉銀筋。三太三少郡公爵。奉侍朝儀。用幪頭冠。服用紫色。補子。三太用白澤。三少用獅子。帶用犀角繞銀。并鞋鞵。其奉侍府堂。烏紗帽。青吉衣。有覆後。夾條。有穿玉筋銀。皇子王子。左右都督郡公爵。奉侍朝儀。用幪頭冠。服用紅色。補子。用獅子。帶用犀角繞銀。并鞋鞵。其奉侍府堂。烏紗帽。有突縫。黑線。青吉衣。有覆後。夾條。有穿玉繞筋。

左右都督等職。郡公。爵。奉侍朝儀。用幙頭冠。服用紅色。補子。用獅子。帶。用犀角繞銀。并鞋鞵。其奉侍府堂。烏紗帽。青吉衣。有覆後。夾條。有穿玉銀筋。

皇子。王子。都督。同知僉事等職。郡公。爵。奉侍朝儀。用幙頭冠。服用紅色。補子。用獅子。帶。用犀角繞銀。并鞋鞵。其奉侍府堂。烏紗帽。有突縫黑線。青吉衣。有覆後。夾條。有穿玉銀筋。

都督。同知僉事等職。郡公。爵。奉侍朝儀。用幙頭冠。紅色服。補子。用獅子。帶。用玳瑁繞銀。并鞋鞵。其奉侍府堂。烏紗帽。青吉衣。有覆後。夾條。有穿玉。

皇子。王子。都校。點檢提督。參督。都衛事等職。郡公。爵。奉侍朝儀。用銀笠。并綴色紅毛。服用紅色。直領。全結。摺。補子。用獅子。穿夾條。有穿玉帶劍。其奉侍府堂。烏紗帽。突縫黑線。青吉衣。有覆後。夾條。有穿玉。

玉棒劍。

都點檢提督。提領。參督。副都督。侍衛事等職。郡公。爵。奉侍立朝儀。用銀笠。并綴紅毛。服用紅色。直領。全結。補子。用虎豹。穿夾條。帶劍。其奉侍府堂。烏紗帽。青吉衣。有覆後。夾條。并捧劍。

皇子。王子。郡公。爵。奉侍立朝儀。烏紗帽。有突縫黑線。朝服用紅色。直領。補子。用虎豹。穿夾條。有穿玉帶劍。

該管該隊。郡公。爵。奉侍立朝儀。用烏紗帽。服用紅色。直領。補子。用象彩。穿夾條。帶劍。其奉侍府堂。用烏紗帽。青吉衣。有覆後。夾條。捧劍。

都校。點提督。參督。副提督。領署。衛左右。校點等職。侯。爵。奉侍立朝儀。用銀笠。并頂綴紅毛。服用紅色。直領。全結。摺。補子。用象彩。穿單條。帶劍。其奉侍府堂。烏紗帽。青吉衣。有結摺。無覆後。單條。捧劍。



都指揮使都指揮同僉都指揮僉事指揮使指揮同指揮僉事總知同總知僉事總知等職侯爵奉侍立朝儀用朱漆笠服用紅色直領補子用象彩穿單條帶劍其奉侍立府堂烏紗帽青吉衣有結褶單條帶劍。

都禮鎮殿軍將軍力士校尉千戶管領副都禮正都尉副力士校尉副千戶中尉郎將副管領百戶提轄副中尉副郎將左右前後郎將都尉正武尉副提轄左右前後郎將武尉衛尉副都尉副中尉等職奉侍立朝儀用朱漆笠頂綴紅毛服用紅色直領穿單條鎮殿捧劍銅錘各職捧鞭劍其奉侍府堂青吉衣帽有結褶該隊副該隊長副隊長預有管兵未有職爵奉侍立青吉衣帽無結褶有捧劍。

外任都總兵使總兵同知總兵僉事等職奉侍表牌用幙頭冠朝服有爵用紅色未爵用青綠色補子象彩帶用奇藍香繞鎗并鞋鞞時有入奉侍烏紗帽青吉衣有覆後夾條。

△文班

三太三少等職奉侍朝儀用幙頭冠朝服用紫色補子用仙鶴帶用犀角繞銀并鞋襪其奉侍府堂烏紗帽青吉衣有覆後夾條有穿玉銀飾。

尚書御史等職奉侍朝儀尚書用幙頭冠都御史用獬豸冠服用紅色補子尚書仙鶴都御史仙獬豸帶用犀角繞銀并鞋襪其奉侍府堂烏紗帽青吉衣有覆後夾條有穿玉銀飾左右侍郎等職奉侍朝儀用幙頭冠服用紅色補子用浮雞帶用玳瑁繞銀并鞋襪其奉侍府堂烏紗帽青吉衣有覆後夾條有穿玉。

承旨副都御史。承政使大學士。祭酒侍讀金都等職。奉侍朝儀。并牌表各職。並用幞頭冠。御史。獬豸冠朝服。有爵用紅色。未爵用青色。補子各職用孔雀。御史用獬豸。帶並用玳瑁繞銀。并鞋襪。其奉侍府堂。烏紗帽。青吉衣。有覆後。夾條。有穿玉。

寺卿參政府尹學士司業侍講侍書校書都科侍制提刑等職。奉侍朝儀。各職用幞頭冠。提刑用獬豸冠朝服。有爵用紅色。未爵用青綠色。補子各職用孔雀。提刑用獬豸。帶並用奇藍香繞。鑰並鞋襪。其奉侍府堂。烏紗帽。青吉衣。有覆後。夾條。

給事憲使等職。奉侍朝儀。并表牌。給事用幞頭冠。憲使用獬豸冠。朝服。有爵用紅色。未爵用青綠色。補子。給事雲鶴。憲使獬豸。帶並用奇藍香。并鞋襪。其奉侍府堂。烏紗帽。青吉衣。有覆後。夾條。

翰林校理檢討各道監察御史等職。奉侍朝儀。翰林用幞頭冠。該道用獬豸冠。朝服。有爵用紅色。未爵用青綠色。補子。翰林用白鴈。該道用獬豸。帶用奇速香。并鞋襪。其奉侍府堂。烏紗帽。青吉衣。有覆後。夾條。

通政使僉事經歷等職。衣服並與翰林校理同。若通政詹事。有預科場黃榜者。與寺卿都科同。通政事參議郎。中少詹事。憲副使。少卿。少尹。中書舍人。司天令。副斷事員。外郎。通政。承知府。並外任。寺卿。少卿等職。奉侍朝儀。并表牌。各職等用幞頭冠。憲副用獬豸。朝服用青綠色。補子。鸚鵡。帶用牛角繞。鑰。并鞋襪。時有奉侍府堂。烏紗帽。青吉衣。有結褶。無覆後。單條。

修撰教授學正。閣門使。同知府。司務。照監典書。治中。通判。錄事典書。待詔。監簿。司天監丞。左。度。右。度。閣門副使。知縣事。知府。縣丞。五官。正。正字。同知州。都官。典簿。序班。訓導等職。奉侍朝儀。并表牌。用幞

頭冠。朝服用青黑色。補子用鶉鷩。帶用牛角繞釧。并鞋襪。時有奉侍府堂。烏紗帽。有結褶單條。太醫院。大醫院使。御醫副。辦驗良醫副。看診良醫副。大官署正。同文雅樂署正。諭局局正。教坊司正。司晨郎各等職。奉侍朝儀。用幘頭冠。服用青黑色。補子鶉鷩。帶用牛角繞釧。并鞋襪。時有奉侍府堂。烏紗帽。青吉衣。有結褶。

長史評事通事正副。咨議府校尉侍讀講諭衛尉知簿都事知事典事主簿社目獄丞及從官雜流等職。奉侍應務。用烏紗單樣帽。青吉衣。有結褶。

皇宗陵正陵副陵丞。實授等職。奉事本殿。用幘頭冠。朝服。有爵用紅色。未爵用青綠色。補子用雲鴈。帶用玳瑁繞銀。并鞋襪。時有入奉侍。烏紗帽。青吉衣。有覆後夾條。有穿玉。其不預皇宗及非實授者不在。

內監總太監都太監掌監職郡公爵。奉侍朝儀。用幘頭冠。朝服用紅色。補子用虎。帶用玳瑁繞銀。并鞋襪。其奉侍府堂。烏紗帽。青吉衣。有覆後夾條。穿玉。

太監金太監參掌參知同知監等職。奉侍朝儀。用幘頭冠。朝服。有爵用紅色。未爵用青綠色。補子用雲鴈。帶用玳瑁繞釧。并鞋襪。其奉侍府堂。烏紗帽。青吉衣。有覆後夾條。

左右太監左右監丞左右提點等職。奉侍朝儀。用幘頭冠。朝服。有爵用紅色。未爵用青綠色。補子用白鴈。帶用奇藍香繞釧。并鞋襪。其奉侍府堂。烏紗帽。青吉衣。有結褶。無覆後單條。

奉御監簿等職。奉侍立朝。用烏紗帽。青吉衣。有結褶。無覆後。舍人按吏將臣吏令史內書寫。自該司該令首令以上。侍內文職儒生。中式監生以上。奉侍候應務。烏紗帽。單樣青吉衣。有結褶。無覆後。無單條。

中書花文學生按吏舍人將臣吏令中書寫內書寫文衙門都提典通吏等名奉侍候應務用青吉衣無結褶。鄉黨許烏紗帽。青吉衣有結褶單條。其常服用綾羅布帛各色。

儒生中式監生儒生禮生社吏吏胥生徒官員子孫饒男用烏紗單樣帽。青吉衣有結褶。無覆後軍條。

皇子王子未授職爵奉入內侍用涼巾。黑紗衣。常服用錦繡花彩各色。

皇子王子自左右都督職郡公爵以上各衆子未有職爵奉侍用青吉衣。青吉帽有覆後結褶。常服用錦繡花彩各色。

皇子王子都督同知職郡公爵以下各衆子未有職爵奉侍用青吉衣帽。有覆後結褶。文武各職子孫預得封蔭以上奉侍應務文臣子孫用烏紗單樣帽。武臣子孫用青吉帽。並用青吉衣有結褶。民間各色以下衣服並用紵綾布帛無結褶。

按黎朝品服之制自保泰申定而後八十餘年遵用不改。訖于其亡。其間服色章彩之別。所以明等差辨上下。亦誠爲文明之制而不可踰越者也。世局既移。儀章一變。從前之服已爲故冕弊裙。不可復說。文以時異。有作者其必有一番斟酌而後可歟。

●帝王輿衛之制

李太宗天感聖武二年制太平車。以黃金飭蓬蘿莪。駕象引之。

按註。蘿莪乃象蓬駕之象背者。英宗時以馴象遺宋。有御乘象蘿莪。得以金銀裝飾。是蓋象鞍也。仁宗天符睿武三年。初制銀鞍引鹵簿。四年。初作曲柄兩蓋。

按李朝輿衛見於史者如此。他無所考。而所謂蓬蘿莪與銀鞍之制已不可復詳矣。惟曲柄蓋形後猶用之。以為貴者之御云。

黎太宗紹平四年。梁登奏定鹵簿。大駕鑾輅。則有大輅馬輅象輅九龍輿七龍輿步輦飛輦儀仗。則有金戈斧鉞。幢幡旌旗。旄節。擘扇。五方蓋。駕馬隊伍等數。帝悉從之。十月庚午。五輅成。賜鹵簿司同監梁登為都監。

按文獻通考。唐宋鹵簿有四。曰大駕。曰法駕。曰鑾駕。曰黃麾仗。大駕。至六萬六千人。郊祀籍田用之法。駕三分減二。泰山下汾陰行禮用之。鸞駕減半。朝陵東封謝太廟用之。黃麾仗其制無定。車駕親征。或省方還京用之。其導駕有六引。唐用萬寧縣令京兆牧太常卿司徒御史大夫兵部尚書。宋用開封牧令大司樂少傅御史大夫兵部尚書。其旗常則有日月

五星二十八宿十二辰合璧連珠祥雲北斗五岳四瀆五方五神五龍五鳳龍虎君王王排欄大黃龍負圖白澤攝提獅子金鑿君王萬歲天下太平等名號。其儀仗則有金節罕畢黃麾青龍幢白虎幢朱雀幢玄武幢道蓋花蓋曲蓋脾脫似花蓋而小團扇紅雀扇雉尾扇諸名數。其器械則有御刀儀刀班劍細稍儀艦。及叉刀盾。幟弩。白柯槍。諸兵具。鼓吹車騎。後先間別。蓋漸備於唐初而極盛於北宋。太平儀衛之制殆無以復加矣。我越李陳以前輿衛不可復考。黎初始定鹵簿。大駕儀衛略備於此。其車蓋器仗大約參酌唐宋。而多少之數先後之序則不可稽其詳。姑錄梁登所奏校定之制。而參載二代鹵簿之大略。庶以見其概云。

又按五輅之制。曰玉輅。曰金輅。曰象輅。曰革輅。曰木輅。玉象象三輅。各以其物飾車。革者漆革。木者漆木。其制玉輅最尊。色以青。駕六青馬。金輅色以赤。駕六赤馬。象輅色以淺黃。駕六赭白馬。革

輅色以黃。駕六駟馬。木輅色以黑。駕六黑馬。其上皆建旗常。晉制玉輅以祀天。金輅以會萬國之賓。象輅以視朝。革輅以卽兵戎之事。木輅以田獵。法駕行則有五輅。各有所主。不俱出。至唐宋大駕鹵簿。則以五輅俱行。制造設飭具有體格。紹平所制五輅。意亦取法於此歟。

十月帝視朝。出入有鳴鞭蹕。出入有鳴鞭始此。

按周禮秋官條娘氏掌鞭以趨辟。王出入則八人夾道鳴鞭。乃其遺制也。唐宋以來用之。鞭鞘用紅絲而浸以蠟。行幸則前警祀畢還宮亦用之。視朝宴會則用於殿廷。我越自紹平用後遂爲歷朝警蹕之制云。

中興後。皇上鹵簿大駕將出。三門樓上發雷鼓。鳴金鐘。鳴鞭四員。鳴鞭畢。內殿禁軍侍轎司侍近司侍內司。効力司。左鸞駕司。右鸞駕司。金吾衛。錦衣衛。仙左隊。仙右隊等號。帽用紅莪蘿。衣用青吉。一袖大一袖小。紅包白裙。共五百六十率。排掛儀仗。前隊日月旗。五方旗。十二時旗。龍雲各色旗。次金笏四十件。次銀劍四十把。次御馬二十匹。次鎮殿將二十人。執銅鎚。帽用紅莪蘿。服用青錦衣。補子用象。下有蔽膝襪。次黃色傘十八把。次斧鉞銅鐵。次同文雅樂大鼓一面。螺二口。小鼓十面。笛彈笙簧。次牙扇。畫龍樣十二把。次金劍十二把。次龍轎。次金笏隊。次旗隊。次馬隊。其護駕先後銃稍刀劍諸兵械。用內匡。內翊。內銳。內捷。侍捍侍象等隊。自兵番進發。

謁郊儀衛。前一日提領官治道修橋。自內殿至南郊殿。至日兵番入侍。奇號一衛五中船掛立城外。外軍四號八扶駕。外步兵各號排掛器械。自內殿至南郊殿夾路。外水兵排置大小旗。自三門外至夾郊路。其內侍侍候官兵衣帽並用莪蘿。外兵帽用莪蘿。衣用青吉。至時鳴鍾鞭蹕。皇上御龍椅轎。

由大興門出。殿內禁軍諸隊。先後排仗扈駕。百官各具冠服前導。諸軍聽天雄號令發聲。望見四衛兵展本旗號。六宮小監并侍內書寫體察。本宮兵侍候內匡內翊內銳內捷侍捍侍象等隊。置驛凡六度。一度扶駕兵前進至油市。一度皇上御至油市。一度先兵回至橫亭市。一度皇上回至正府門。一度皇上御入正宮廟。行禮畢。御龍轎。一度後兵回至油市。

●王府鹵簿

大元帥節旄用十二緊。紐用金線。畫龍花蓋十二把。紫花蓋十二把。畫龍扇四把。元帥節旄用六緊。紐用金線。傘紫色六把。兩軸蓋六把。紅杖三百件。

謁郊日。侍候十侍號。嚴一雄中二號。插立內府。王上御金龍轎。出府堂中。其仍一轎一內仍內轎內匡內翊內銳內捷侍趕侍象侍騎侍馬內超內選內優內擇等隊。照次侍立。其侍前步侍前水侍左步侍左水侍中步侍中水侍右步侍右水侍後步侍後水等號。前進後繼。中軍進至府堂中間漸正。首號官奉拜畢。再進如例。

會試日。前一日提領兵修理各橋路。自府門至榭橋。巡綽各巡兵分守夾路。至日。嚴一隊擊鼓閣上。三連十侍號並入原所候立。侍中號排插府堂中。四侍步號排插府堂外。四侍水號排插本宮庭前。號發起止進先。至時。侍中號擊鼓。先進四隊。及儀衛排插仍左庭。王上御昇龍轎。侍中號擊鼓。自正門出。各隊外馬屬各號。並隨圖次而行。詳見兵誌門

按中興以後。天子禁衛。惟十隊號。每至駕出。然後兵番諸軍進上扶駕。事訖復歸。其實內殿鹵簿。僅此數百餘人。纔供榮杖而已。大駕所出。惟郊祀爲盛。其他幸御亦少。至於王府鹵簿。雖未敢並

天子而兵衛軍械之嚴。實則過之。一年之中御幸甚多。儀衛節次。具見整肅。故今備載大略。以見王府儀衛之盛。而其詳則具述於兵誌云。

世宗光興十八年。節制鄭松。製造兩輪車。飭以珠玉象牙爲之。車上用蓬漆。車旁刻象牙檻。四壁黑漆。以金粘之。又作四梯登車。車前置一杠子。使力士四人推之。其車式始於太尉國公之所制也。

按此中興初之車制也。國初大駕有五輅輿輦。其後制漸墮廢。中興後始復造此。然亦未嘗施諸鹵簿。帝王御幸。惟金龍轎。金龜轎。百官則七楨轎。三楨轎。乘習既久。以爲安適。而車制遂廢不用云。

昏德公永慶二年。威王新置府堂儀衛。內外庭。每造旗八面。行幸進發時。先發火器三聲。寧宿時亦然。駕行旗兩邊前導。節制府鹵簿。節旄用七緊紐線。龍轎一座。畫龍花蓋四把。畫龍扇三把。加捍十件。朱漆銀環。

按此節制鹵簿。乃有冊頒之儀也。至若開府後出入兵衛多少。初無恆數。今無所稽。不能具述。

▲百官輿衛之儀

陳太宗元豐四年。置宗室文武百官輿服。騶從有差。自宗室至五品官。皆得轎馬紙鴉。相國鸚鵡轎。黑漆紫蓋。三品以上青頭雲蓋。四品至六品平頂轎。五品以上青蓋。六七品皂紙蓋。騶從多者千人。少者百人。

按元陳剛中故事抄。言陳制官品崇卑。視傘爲差。卿相用三青傘。次二傘。又一傘。紫蓋惟親族用之。他人不敢用。此亦可以互考云。



黎朝百官行儀

武班。三太三少等職郡公爵。兩袖蓋團扇各一把。並用畫青花色有垂簾。方轎一座。全用黑漆。兩輪鑲金。欄杆用文色木。象架外黑漆鑲金。內朱漆。象蓬外黑漆。內朱漆。馬鞍紫漆鑲金。其奉侍入朝許隨候五人。

皇王王子。左右都督等職郡公爵。青蓋團扇各一把。蓋無垂簾。扇有垂簾。並畫朱花彩。方轎一座。全用黑漆。兩輪鑲金。欄杆用文色木。象架外黑漆鑲金。內朱漆。象蓬外黑漆。內朱漆。馬鞍朱漆鑲金。其奉侍入朝許隨候四人。左右都督等職郡公爵。兩袖一柄。青色。畫青花彩。有垂簾。轎七杠用黑漆。杠頭紫漆。馬鞍用紫漆。城外加團扇一柄。用青色。畫青彩。有垂簾。其奉侍入朝許隨候三人。

皇子王子。都督同知都督僉事等職郡公爵。團扇一柄。用青色。有垂簾。畫朱花彩。轎七杠用黑漆。杠頭紫漆。象架外黑漆鑲金。內朱漆。象蓬外黑漆。內朱漆。馬鞍用紫漆鑲金。城外加青蓋一柄。畫朱花彩。有垂簾。其入朝許隨候三人。

都督同知都督僉事等職郡公爵。團扇一柄。青色。畫青花彩。有垂簾。轎三杠用黑漆。杠頭紫漆。馬鞍用紫漆鑲金。象架外用黑漆鑲金。內朱漆。象蓬外黑。內紫。城外加雨蓋一柄。用青色。畫青花彩。有垂簾。其入朝許隨候二人。

皇子王子。都校點提領參督領署衛事等職郡公爵。團扇一柄。用淺紅色。畫朱花彩。有垂簾。轎三杠。用黑漆。杠頭紫漆。馬鞍用紫漆鑲金。城外加兩袖蓋一柄。用淺紅色。畫花彩。無垂簾。其入朝許隨候二人。

卷二十 禮儀誌

朝百官行儀

十八

都校點提督提領署衛事等職郡公爵。輜三杠。用黑漆。馬鞍用紫漆鑲金。象架外用黑漆刻。內用紫漆。象蓬。外用黑漆。內紫漆。城外加兩軸蓋一柄。用青色。畫青花彩。有垂簾。其入朝許隨候二人。

皇子王子郡公爵。輜三杠。外用黑漆。內紫漆。馬鞍用紫漆鑲金。城外加兩軸蓋一柄。用淺紅影色。畫花彩。無垂簾。其入朝許隨候二人。

該管該隊郡公爵。輜三杠。長杠用直黑漆。馬鞍紫漆鑲金。象架外黑漆刻。內用紫漆。及竹蓬。城外加兩軸蓋一柄。用青色。有垂簾。其入朝許隨候二人。

都校點提督參督副提領署衛事左右校點等職侯爵。騎馬鞍用紫漆鑲金。城外加兩軸蓋一柄。用淺紅影色。輜用三杠。長杠用直黑漆。其奉侍府堂許隨候一人。

都指揮使都指揮同知都指揮同知指揮僉事總知同總知等職侯爵。騎馬鞍用黑漆繞鑰。城外加輜三杠。用直黑漆。其入朝許隨候一人。

都知鎮殿軍力士校尉。千戶管領副都知正副都尉副千戶中尉郎中將副管領百戶提轄副中尉副郎將左右前後郎將都尉正武尉副執提轄左右前後郎將武尉衛尉副提轄副都尉副武尉副中尉等職。外城許騎馬鞍用黑漆鑲鑰。

該隊副該隊止隊長副隊長預有管兵未有職爵。騎馬鞍用黑漆繞鑰。城外亦同。

外任都總兵使總兵同知總兵僉事等職。本部兩軸蓋一柄。青色。有垂簾。畫青花彩。輜三杠。黑漆。時有赴京。都總兵使。輜三杠。黑漆。同知僉事。騎馬鞍用黑漆繞鑰。其入朝許隨候一人。

以上武班各職。依品次奉行。如某員有奉差屬長官。應推尊長官。不得張軸同行。其奉侍宿直及練習。與公差並隨班。給兵數象馬架轎器物。不拘此禁。

文班三太三少等職。兩軸蓋團扇各一柄。並用青色。畫青花有垂簾。方轎一座。全用黑漆。兩轎鑲金。欄杆用文色木。象架外黑漆。內朱漆鑲金。象蓬。外黑漆。內朱漆。馬鞍紫漆鑲金。其入朝許隨候四人。尚書御史等職。兩軸蓋一柄。青色。有垂簾。轎七杠。用黑漆。杠頭紫漆。馬鞍用紫漆鑲金。城外加團扇一柄。用青色。有垂簾線。架外黑漆鑲金。內朱漆。象蓬。外用黑。內用紫。其奉侍入朝許隨候三人。

左右侍郎等職。團扇一柄。用青色。涼巾一頂。轎三杠。用黑漆。杠頭紫漆。馬鞍用紫漆鑲金。城外加兩軸。蓋一柄。用青色。有垂簾。象架外用黑漆鑲金。內朱漆。象蓬。外黑漆。內朱漆。其奉侍入朝許隨候二人。常服用錦繡各色。盤用朱漆橫金二線。盤罩用黑紗金線。尖頭。匣外黑漆刻金線。內朱漆。鉢磁用北器繞銚。其龍彩鳳彩畫並禁。

承旨副都御史承政使大學士祭酒侍讀僉都等職。團扇一柄。用青色。有垂簾。涼巾一頂。轎三杠。用黑漆鑲銀。城外加軸。蓋一柄。用青色。有垂簾。象架外黑漆鑲金。內朱漆。象蓬。外黑漆。內朱漆。其奉侍入朝許隨候二人。常服錦繡各色。盤用朱漆橫金二線。盤罩用黑紗金線。尖頭。匣外黑漆刻金線。內朱漆。鉢磁用北器繞銚。其龍麟鳳彩並禁。

寺卿參政府尹學士司業侍講侍讀侍書校書都科侍制等職。涼巾一頂。轎三杠。黑漆。馬鞍用黑漆鑲金。城外加兩軸。蓋一柄。用青色。有垂簾。象架外黑漆刻。內紫漆。象蓬。外黑漆。內紫漆。其入朝許隨候二人。常服用錦繡各色。盤用朱漆橫金一線。盤罩用竹結。紫漆銀線。尖頭。匣用黑漆金線。鉢磁用

北器繞鑰。其龍麟鳳彩並禁。

給事憲使等職。輜三杠用黑漆。馬鞍用紫漆鑲鑰。城外加兩袖蓋一柄。用青色。有垂簾。象架外黑漆刻。內紫漆。及竹結象蓬。外黑漆。內紫漆。其入朝許隨候二人。常服用錦繡各色。盤用朱漆。橫金一緣。盤罩用竹結。紫漆尖頭。匣用黑漆金緣。鉢磁用北器繞鑰。其龍麟鳳彩並禁。

翰林校理校討各道監察御史等職。馬鞍用紫漆鑲金。城外加兩袖蓋一柄。用青色。有垂簾。輜三杠用直黑漆。其入朝許隨候二人。

通政事參議郎中詹事憲副少卿少尹中書舍人司天令副斷事員外郎通政丞知府并外任寺卿等職。馬鞍用黑漆繞鑰。城外加輜三杠。用直黑漆。其參議憲副知府等職。行部許兩袖蓋一柄。用青色。有垂簾。入朝許隨候一人。其本任寺卿與參議同。

修撰教授編錄學正閣門使同知府寺卿縣尉司務照勘典吏治中通判錄事典書署照監簿司天監左度右度閤門副使知縣知州五官正正學同知州都官典簿序班典簿訓導等職。城外許騎馬鞍用黑漆繞鑰。其同知府行本部。兩袖蓋一柄。用青色。有垂簾。

太醫院大使院御醫副辦驗良士看診醫副太官署正同文雅樂署正諭局局正教坊司農等職。外城大使院使輜三杠用直。餘皆騎馬。

以下長史許史通事正副咨議府尉體讀講諭衛尉知簿都事知事典事主簿孔目獄丞及從官雜流各職。城外許騎馬。鞍用黑漆鑲鑰。

文班自二品以上。行儀許執鞭六人。四品以上。執鞭四人。以上文班各依品次奉行。其奉領官物及公差遠行。不拘此禁。

皇宗陵正陵副陵丞實授等職。城外兩袖蓋一柄。用青色。畫花彩。有垂簾。輜三杠。黑漆。馬鞍用紫漆鑲銀。時有赴京城內。許陵正輜三杠。黑漆。陵副丞騎馬。鞍用紫漆鑲銀。其入侍朝許隨候二人。

總太監都太監掌職郡公爵。涼巾一幅。輜三杠。用黑漆。馬鞍用紫漆鑲銀。城外加兩袖蓋一柄。用青色。畫青花彩。有垂簾。其入朝許隨候二人。

太監僉太監參掌監同知監等職。騎馬鞍用紫漆鑲銀。城外加兩袖蓋一柄。用青色。有垂簾。輜三杠。用黑漆。其入朝許隨候二人。

左右太監左右丞等職。騎馬鞍用黑漆鑲銀。城外加輜三杠。用直黑漆。其入朝許隨候二人。奉御監等職。城外騎馬。鞍用黑漆鑲銀。

舍人按吏將臣吏令史內書寫。自該司該令以上。侍內文職儒生中式監生以上。城外騎馬。鞍用黑漆鑲銀。

中書華文學生按吏舍人將臣吏令史書寫內書寫文衙門都典通吏等名。侍候應務。用青吉衣帽。無結褶。鄉黨許烏紗帽。青吉衣。有結褶。單條。其常服用綾羅布帛各色。盤紫漆。盤罩用竹結尖頭。匣用琥珀黑漆。鉢磁用南器。其錦繡各畫彩並禁。

儒生中式監生儒生社正社史史胥生徒官員子孫饒男。用烏紗帽。青吉衣。結褶。無覆後單條。常服。綾羅以下各色。盤用紫漆。盤罩用竹結尖頭。匣用琥珀黑漆。鉢磁用南器。其各畫彩貴物並禁。

卷二十 禮儀誌

宋朝百官行儀

廿二

皇女王女公主郡主青蓋團扇一柄。並畫朱花彩。方輪一幅。用紫漆。兩橫鑲金。欄杆用象牙。或鞞七杠。用黑漆鑲金。

皇子王子。未祇受職。涼巾一頂。鞞三杠。杠頭紫漆。象架。外黑漆刻。內紫漆。象蓬。外黑漆。內紫漆。馬鞍。用紫漆鑲銀。城外加兩袖。蓋一柄。用淺紅影色。畫花彩。有垂簾。皇子王子。自左右都督職郡公。爵以上。各衆子。未有職。爵。涼巾一頂。鞞三杠。杠頭紫漆。象架。外黑漆刻。內紫漆。象蓬。外黑漆。內紫漆。馬鞍。用紫漆鑲銀。城外加兩袖。一柄。用淺紅影色。畫花彩。無垂簾。女子亦然。

皇子王子都督同知職郡公。爵以下。各衆子。未有職。爵。涼巾一頂。鞞三杠。用黑漆。杠頭紫漆。象架。外黑漆刻。內紫漆。象蓬。外黑漆。內紫漆。鞍。用黑漆鑲銀。城外加兩袖。一柄。用淺紅。無彩。女子亦然。

按此百官儀仗之制。乃中興後永泰保泰間斟酌申定。尊卑等級。辨別分明。其制頗爲詳悉。故今備載云。